

增節標目音註精議資治通鑑

三





增節標目音註精議資治通鑑卷第一

東陽

呂

祖謙

伯恭

論看通鑑法

昔陳瑩中嘗謂通鑑如藥山隨取隨得然雖是有藥山又須是會採若不能採則不過博聞強記而已壺立子問於列子曰子好遊乎列子對曰人之所遊觀其所見我之所遊觀其所變此可取以為看史之法大抵看史見治則以為治見亂則以為亂見一事則止知一事何取觀史如身在其中見事之利害時之禍患必掩卷自思使我遇此等事當作如何處之如此觀史學問亦可以進智識亦可以高方為有益

讀史先看統體合一代綱紀風俗消長治亂觀之如秦之暴虐漢之寬大皆其統體也其偏勝及流弊處皆當深考復須識一君之統體如文帝之寬

宣帝之嚴之類統體蓋為大綱如一代統體在寬雖有一兩君稍嚴不害其為寬一君統體在嚴雖有一兩事稍寬不害其為嚴讀史自以意會之可也至於戰國三分之時既有天下之統體復有一國

一箇

一箇

一箇

之統體觀之亦如前例大要先識一代之統體然後就其中看一君之統體先識天下之統體然後就其中看一國之統體二者常相關也既識統體須看機括國之所以興所以衰事之所以成所以敗人之所以邪所以正於幾微萌芽時察其所以然是謂機括

看通鑑大要四條

**官制**歷代設官統體以周論之三公六官上下相臨本末相承其意如何職事交互彼此相參其意如何謂其事關涉自周迄于今日因革損益或事輕而官重或官輕而事重或分或合或簡或繁且如漢九卿較周六官一官所掌今歸幾卿一卿所掌昔隸幾官統體孰正孰偏出納孰壅孰決參考孰踈孰密丞相御史統九卿與周三公六卿其意同異優劣如何每代皆當如此推究又如歷代事權所在如東漢雖設三公而事權乃在尚書之類皆當精考歷代用人次第一謂人材所出之途及其流品科目世族軍功一謂遷除來歷遲速次第

**兵制**歷代兵制沿革或出於民則考其成丁歸農之限耕戰部伍



之法調發教閱之節屯戍替易之期以西漢言南北軍為復召募為復科差為復常聚為復更番隊伍人數糧食多寡皆須是見其曲折郡國之兵虎符調發如何徵集平居如何聯屬事訖如何放散亦須見其曲折或出於兵則考其兵民之分自何時興其部伍調發廩給之制歷代之兵內外輕重之勢如或聚於國都或聚於邊鄙之類歷代用兵道里之遠近歷時之久速形勢之利害糧食之難易將權之專雜軍律之得失皆當詳考

**財賦**歷代財賦本末源流統一代論之其初何故贏餘其後何故匱乏比較出入多寡求其所以然仍考出入都數察其所偏在上在下考其所滯在彼在此明有所增而暗有所損小有所棄而大有所得凡興廢因革皆兼考其義之當否時之外降事之利害又如財賦中條目大者如租稅鹽鐵錢幣田制之類皆當別考其損益盈虛之大端**刑法**歷代用刑繁簡寬猛其意其法皆當兼考法謂大法及雖一法而有深意者及其應効謂如武帝立見知故縱之法而盜賊愈多光武盡除其法而盜賊清之類大者於此可以類推又如特起大獄如楚莊王英獄之類及諸囚之數亦斟酌其關治體者抄之

卷一

二

明

統體機括其詳已見看通鑑條例遇有所見抄出

**君德**如漢紀高祖寬仁大度之類凡志傳中所說德處可類出

**政事**謂政事之大者如制度禮樂官制納諫恤民用兵任相任將財賦大訟革法度大更張及刑獄之大者皆是並止寫出大綱謂如財賦止書其年推鹽鐵因某人建議有何大利害至於制度曲折則不編又如同用兵止書某年遣某將伐某處孰勝孰敗所得者幾郡所失者幾軍其計謀曲折並不書

**風俗**謂如史傳中說文帝煙火萬里恥言過失說武帝北邊蕭然之類

**相業**前政事門說任相止是書用某人為相幾年除幾年罷至於此門則編為相事業如蕭曹為相大體如何規摹如何措置如何如盧杞李林甫為相姦邪之狀如何石慶公孫賀為相委靡之狀如何國勢君之昏明國之強弱安危君子小人之進退消長地之廣狹戶口之多少權柄所在皆是權柄所在謂如內重外輕外重內輕權在宰相在貴戚之類

看通鑑法終

通鑑釋例

用天子例

周秦漢晉隋唐皆嘗混一九州傳祚於後子孫雖微弱播遷以四方爭衡闕皆其故臣故全用天子之制以臨之帝后稱崩王公宰相稱薨它國稱名后稱闕或曰某后其君臣死皆稱卒周諸侯不名稱薨從先王之禮

書列國例

三國南北朝五代與諸國本非君臣從列國之制彼此鈞敵無所抑揚帝后皆稱殂王公皆稱卒

大明四年魏太后常氏之殂

魏葬昭太后於雞鳴山

晉隋未并天下亦用列國之制

列國雖有地有民而臣於它國者死則稱卒

如沮渠蒙遜吐谷渾高麗錢鏐馬殷之類

列國追封考妣皆書國小人微者或可略

書王制例

六典王言之制有七一曰冊書二曰制書行大賞罰授大官爵

之三曰慰勞制書褒贊賢能勸勉勤勞則用之四曰發日敕謂詔書發敕日也云云五曰論事敕書諭

如流以上罪云云官授六品以下官六曰敕旨百司奏事承旨而為程式云云六曰論事敕書諭

戒約臣下七曰敕牒隨軍承旨不易舊典

書封爵禪位例

以冀州十郡封丞相操為魏公云云又加九錫云云

進魏公爵為王車服位號參用天子禮命魏王冕十有二旒云

云漢帝云云禪位于魏云云奉漢帝為山陽公云云

進大將軍昭位相國封晉公加九錫進晉公爵為王魏帝加文王

殊禮王妃曰后魏帝禪位于晉奉魏帝為陳留王即宮于鄴優

崇之禮皆倣魏初故事魏氏諸王皆闕

國郡縣公須分

永初九年宋王欲受禪下闕

書帝王未即位例

帝王未即位皆名自贊拜不名以後不書名

書帝王將受禪例

帝王將受禪贊拜不名以後不名陳以後乃爾

名者上有君也無君即未即位亦稱名宋太祖世祖梁世祖是也

書廟號例

葬天子曰葬某帝于某陵廟號某祖下國曰葬某主某于某陵謚

曰某皇帝廟號某祖列國曰魏葬明元皇帝于某陵廟號太宗夏武烈帝殂葬嘉平陵廟號世祖

凡帝王有廟號者稱廟號

秦葬文昭王于武平陵廟號太祖

書國號例

劉石並時劉曜稱趙石勒稱後趙猶春秋邾小邾也曜既亡勒單

稱趙符姚並時稱秦亦然乞伏氏稱西秦慕容永以有慕容垂稱西燕慕容德以有龍城稱南燕段業以有呂光稱北凉

鑑一

四

梁初晉楚歧蜀吳越稱國淮南嶺南福建荆南未有國

書改元例

龍朔三年十二月詔改來年元

書稱號例

天子近出稱還宮遠出稱還京師列國曰還某都凡新君即位必曰某宗即位後皆言上

太上皇帝止稱上皇

太上皇太后曰尊皇太后太子皇子曰立政封曰徙公侯有國邑者

曰封無曰賜爵

國公郡公縣公欲辨等級則稱之不然則不齊郡趙郡公皆稱郡廢帝稱國號或稱廢帝

宋前廢帝子業始終無它爵在位有永光景和兩號故止稱廢帝列國它國之君或稱主或稱帝兩國事相涉則但稱主

列國非其臣下之言不稱乘輿車駕行在京師天下及崩

書王公例

高歡曰勃海王歡字文泰曰安定公泰大同九年以後乃尔  
太清三年以後復故

楚王處疑  
書建國稱王例

五代晉岐蜀吳越吳楚閩之類建國皆稱王者皆稱王及謚無謚者遇中國加爵命則名父錯難辨處則稱名如晉王闕王存  
勗之類唐南未稱帝及荆南之類皆名  
荆南稱楚不書封

諸王書名例

河西王沮渠蒙遜吐谷渾王慕瓚吳越王錢鏐南平王高季興等受宋魏五代爵命猶孫權受魏爵命終是敵國皆宜稱王而不名然其國爵屢變卒見莫知為誰故於事初則名後則不名或名或不名從文闕用漢諸侯王之例也

書立王例

魏立皇弟新成爲陽平王

書徙王例

鑑一

五

徙順陽王休範爲桂陽王

書列國立太子例

列國曰立皇子某爲太子

或曰魏立某王某爲皇太子

書列國紀事取年號例

魏宋齊梁陳五代取其年號以紀諸國之事耳

書官名例

周以尉迥爲太師以柱國竇熾爲太傅

新爲公者於官上更加以字太建四年以後始爾

晉以後拜令僕皆書中書監令侍中內史納言爲宰相者亦書

宋永初三年闕時大州刺史率加都督其後多者至數十州不可

復詳載矣

南北朝諸王無事者只去加都督有事則去某某等幾州闕

節度使官自此始其後所領諸使益多不復詳記去

天監十年闕魏之州郡亦然是以離合廢置不復詳記也闕是後

官名繁冗不可勝記或一人之官至百餘官今但臨事取其要重者存之或省約其文以從簡易云

大寶元年闕是後柱國開府儀同三司及儀同三司猥多人不復貴遂為散官舊史或但稱開府及儀同者今並因之

宰相自平章事遷侍中侍中遷中書令之類或加三師三公則書若自中書遷門下及加大學士使名之類皆不書至出時書官

此兩例自會昌六年九月後方依此

隋平陳以後尚書令僕內史令納言凡宰相皆稱薨

凡節度使創置則曰置某軍於某州割某州隸之以某人為節度使或曰置某等州節度以某人為節度使因舊則曰更名某某州

節度號曰某軍或曰更名某軍曰自團練升則曰更名某某州都團練曰某軍以某人為節度使昭宗以後始然

節度使加平章事侍中中令尚書令則書餘檢校官不書五代雖加後相非因事見亦不書

初去淄青等幾州節度使後去淄青等州節度使

八鑑一

六六

節度使赴鎮曰為使相曰充遙授曰領

凡官名省而可知者不必備書

藩鎮兵或以宣武淮西天平忠武武寧河東淮南湖南荆南兩浙呼之或以汴蔡鄆許徐浙呼之取語順易曉而已

書兼職例

會昌六年九月以荆南節度使同平章事李德裕為東都留守不帶平章事鄭肅同平章事充荆南節度使

以吏部尚書崔胤同平章事充清海節度使加威武節度使王審知同平章事以西川節度使同平章事王建兼侍中

以保義留後朱友謙為節度使

以荆南留後高季昌為節度使

書罷免例

公相以善去曰罷罪去曰免

書聘使例

聘使往來書介副無事但去某事



契丹遣其臣袍笏梅老來通好帝遣太府少卿高頎報之高麗遣其臣某入貢遣某人使于契丹

不書例 書附

二王後嗣卒者不書

列國葬后無事不書

諸王帶平章及遙領節制不書

親王徙封書

親祭祀皆書

凡帝親祠更無親字

宋孝武後乃爾

王子弟則書姪及孫無事不書

諸王非皇子及兄弟薨卒皆不書有事乃書之

宋以後諸州廢置無事不書

諸州廢置無事者不書

四夷不能為中國利害死及嗣位不書

鑑一

七一

凡衆人共一事則書某等在下者更有事則列其姓名

重書例

桓五年襄二十六年皆有两秋

桓闕年以大雩有二秋

桓十二年經重書丙戌

豫言例

莊公六年豫言十六年滅鄧

文十一年豫言宣十五年獲焚如

齊襄公之二年

追序例

左傳襄公六年齊人滅萊追序五年以來月日

書日後先例

成十六年鄆陵戰先甲午後癸巳

左傳楚靈王死先言癸亥後言乙卯丙辰

書事同日例

兩國事同日或相先後而不可中斷者先序一國事已更以其日起之

如齊建武元年十月辛亥魏王發平城去去辛亥太后下令廢帝為海陵王

二年十一月己卯納太子妃褚氏庚午魏王如委粟山己卯引諸儒議圓丘禮

書事相涉例

凡兩國事相涉則多稱某主兩君事相涉則多稱謚號不相涉而事首已見則稱上稱帝

凡一國事有相連不嫌為異國事者若國名相闕事雖異皆蒙上事國名大同十一年乃爾

書斬獲例

戰偽走設伏而敗之斬首千餘級千級以下不言獲輜重兵械雜畜非極多不言

蒙遜欲伐梁公歆之

八鑑一

八

新唐書郭子儀傳從廣平王帥蕃漢兵十五萬收長安

書世系例

凡宗族雖在高祖玄孫之外世系著明如元天穆崔陵者亦書之從後姓例

宋永初三年長孫嵩實姓拔拔去去時魏之群臣出於代北者姓

皆重複及高祖遷洛乃改為單姓舊史患其煩雜采從後姓以就簡易今並因之

李繼昭本姓符名道昭復姓符名道昭

書字例

僖十五年震夷伯之廟大夫既卒書字大同二闕時人多以字行舊史比皆因之

字及小字可知其人者不復重述難知者乃述之凡以字行者始即稱字曰名某以字行大同以後始爾

書鄉里例

硤石姚元崇

閻玄正汴州人也名不著不  
必鄉里

書改置州郡例

建東京於汴州以汴州為開封府

置彰德軍於相州以澶衛隸之置永清軍於貝州以博冀隸之

書薨卒例

唐制三品以上稱薨四品以下稱卒而上州刺史親王傳歸德將軍  
護軍皆三品職任至輕門下中書侍郎尚書左右丞侍郎庶子  
詹事皆四品平章事節度使職任至重比且無品禮諸使曰薨而  
唐之縣令皆古之子男也此則一一難依禮今令但裁酌折衷  
見任宰相節度使及正任太子三師三少尚書統軍都督常侍  
者皆稱薨公主妃嬪亦循舊史稱薨餘皆稱卒

都督即節度使之任節度檢校官常侍其卑者也

元嘉五年秦王熾盤卒

書反亂例

宋略例凡誅得僞信信曰有罪凡逆上曰反爭疆曰亂凡刺史近州

鑑一

九

輕將則書以重州也遠州亦書以將重也

曾太父溫國文正公作書之例或因或做皆有所據故自  
春秋以來用例之精確深隱皆考究為最詳而得其當于  
此槩見然前例遺藁中遭散亂所藏僅存脫落已甚故先  
後無叙或改注重複觀者病焉後輒掇取而分類之為三  
十六例其閒或書年而不書事如曰齊襄公之二年或書  
事而不著年如曰節度使官自此始或書謚書年而不實  
其數如曰桓年以大雩有兩秋之類及皆不敢增益也至  
若或文雖全而其字闕滅者及亦從而闕之或事欲詳見  
而旁附其文者及則因其文而述之雖然苟能因此類而  
參酌貫穿焉亦庶幾矣及抑嘗因此例而涉其書及其離  
析稽其授受推其甲子括其卷帙列為四圖以便尋究求  
者授之以廣其傳庶與考異音釋並行于世萬一有助於  
觀覽云乾道丙戌仲秋癸酉曾孫右朝散郎尚書吏部員  
外郎賜緋魚袋及謹書

與范夢得內翰論修書帖名祖禹後更字傳夫

光前者削奏時將謂宮教二年改官不知新制乃須五年得無却

成奉滯否慚悚慚悚夢得今來所作叢目方是將實錄事目標出

其實錄中事應移在前後者必已註於逐事下訖假如實錄貞觀

其下始有靖傳中有自錄告變事須注在隋義寧元年唐公起

兵時破蕭銑事須注在武德四年破銑時斬輔公祐須注在七年

平江東時擒頡利須注在貞觀四年破突厥時亡皆攷此

可作長編也請且將新舊唐書紀志傳及統紀補錄并諸家傳記

小說以至諸人文集稍干時事者皆須依年月註所出篇卷於逐

事之下實錄所無者亦須依年月日添附無日者附於其月之下

稱是月無月者附於其年之下稱是歲無年者附於其事之首尾

如左傳稱初鄭武公娶于申之類及為其事張本起本者皆附事

首者也如備文公復國之初言季年乃三百乘因陳完奔齊而言

完始生並知八世之後成子得政因晉悼公即位而言其命官得

人不失霸業因備北宮文子聘於鄭而言裨諶草創子產潤色因

吳亂而言吳夫繁上為宗給氏之有無事可附者則約其時之早

晚附於一年之下如左傳子罕辭玉之類必無的實年月也假使

時它官則附於致官時或免卒

但稍與其事相涉者即注之過多

時其有處可附者不用此法

不害假如唐公起兵諸列傳中有一兩句涉當時者但與注其姓

名於事目之下至時雖別無事迹可取亦可以證異同考月

也嘗見道原云只此已是千餘卷書日看一兩卷亦須二三年功

夫也俟如此附注俱畢然後請從高祖初起兵修長編至哀帝禪

位而止其起兵以前禪位以後事於今來所看書中見者亦請令

書吏別用草紙錄出每一事中間空一行許素紙以備剪開隋以

前者與貢父梁以後者與道原各修入長編中蓋緣二君更不

看此書若足下止修武德以後天祐以前則此等事盡成遺棄也

二君所看書中有唐事亦當納足下處修入長編耳其修長編時

請據事目下所該新舊紀志傳及雜文小說文集盡檢出一閱其

中事同文異者則請擇一明白詳備者錄之彼此互有詳略則請

左右采獲錯綜銓次自用文辭修正之一如左傳序事之體也此

並作大字寫若彼此年月事迹有相違戾不同者則請選擇一證

第一

一

何

據分明情理近於得實者修入正文餘者注於其下仍為序述所

以取此捨彼之意先注所捨者云其書云云其書云云今案其書

錄正史未必皆可據雜史小說未必皆無憑在高鑒擇之凡年號

皆以後來者為定假如武德元年則從正月便為唐高祖武德元年更不稱隋義寧二年玄宗先天元年正月便不稱景雲三年梁開平元年正月便不稱唐天祐四年也詩賦等若止為文章詔誥若止為除官及妖異止於怪誕談諧止於取笑之類便請直刪不妨或詩賦有所譏諷如中宗時李必誦黃臺瓜辭之類詔誥有所戒諭如德宗奉天罪已詔李德裕討澤潞論河比三鎮詔之類及要知當時託以何功誣以何罪亦須妖異有所儆戒凡國家災異並存之其本志強附時事者不須也識記如李淳風言武氏之類及因而致殺戮叛亂者並存之其妄有牽合如木入斗為朱字之類而誦者為偽造或實有而可信者並存之其餘不須也妖怪或有所儆戒如鬼書武三思門或因而生事如楊談諧有所補益如黃幡慎於墓流血之類並存之其餘不須也非相之類存之其餘不須也並告存之大抵長編寧失於繁毋失於略千萬切禱切禱今寄道原所修廣本兩卷去此即據長編錄出者其長編已寄道原恐要見式樣故也甚思與足下相見孰共商榷無故可得企渴企渴中前寄去晉紀八卷寫淨草者必已寫了其元本却告分付兒子康令帶來雖未了亦告分付蓋為今夏迤往南康軍路中

鑑一

十一

遺失却三卷若更失此則都無本故也其寫了淨草續附迤來不妨彙所請出魏紀今有改動者今李永和帶去告拍揮別寫及楷改目痛燈下作此書恕其不謹光上

凡有人初入長編者並告於其下注云某處人或父祖已見於前者則注云某人之子或某人之孫今更寄貢父所作長編一冊者恐要作式樣并道原廣本兩卷並告存之向去不使却寄示也

又

示諭求罷局事殊未曉所謂光若得夢得來此中修書其為幸固多矣但朝廷所以未廢此局者豈以光故蓋執政偶忘之耳今上此文字是呼之使醒也若依所謂廢局以書付光今自修夢得還銓胥史各歸諸司將若之何光平生欲修此書而不能者止為私家無書籍筆吏所以須煩縣官耳今若付光自修必終身不能就也夢得與景仁同在京師公私俱便今不得已而存之者豈惟書局至如留臺宮觀皆無用於時者朝廷以其未有罪名不欲弃於

田里聊以薄祿養之豈非不得已而存之者邪光輩皆忍恥竊祿者也况其它親民之官相與殘民而罔上者其負恥益深矣必欲居之安而無愧須如景仁致事方可也其餘皆可恥耳吾曹既未免祿仕古之人不遇者或仕於伶官執箠秉翟修書不猶愈乎况夢得和不隋俗正不迂物雖處塗潦之中不能汚入虎兕之羣不能害雍容文館以鈇槩為職業真所謂避世金馬門者也庸何傷乎必若別有迫切之事朝夕不可留者當子細示及容更孰議之若只如今茲所諭三事則不若且靜以待之為愈也恃知念故敢盡言無隱光上

朝旨若一旦以閑局無用徒費大官令廢罷者五輩相與收斂筆硯歸家與鄭滑諸官何異又何恥耶但恐去此為他官負恥益多耳

通鑑問疑

鑑一

十二

何

劉義仲壯輿

秘書丞高安劉公諱恕字道原嘗同司馬公修資治通鑑司馬公深畏愛其博學每以所疑問焉秘丞公未冠登第名動京師文行並高意氣偉然然以直不容於世論次一家之書欲為萬世之傳固已負其初心而書未及成捐棄館舍後世又未必知秘丞公於通鑑嘗預有力焉也秘丞公有子曰義仲傷其先人功之不彰而幼侍疾家廷嘗備聞餘論乃纂集其與司馬公往復相難者作通鑑問疑

道原嘗謂司馬君實曰正統之論興於漢儒推五行相生指璽紱相傳以為正統是神器大寶必當扼喉而奪之則亂臣賊子釋然得行其志矣若春秋無二王則吳楚固周諸侯也史書非若春秋以一字為褒貶而魏晉南北五代之際以勢力相敵遂分裂天下其名分位號異乎周之於吳楚安得強拔一國謂之正統餘皆為僭偽哉况微弱自立者不必書為僭背君自立者不必書為逆其

臣子所稱亦從而稱之乃深著其僭逆也

君實曰道原言諸國名號各從臣子所稱固為通論然修至十六國有修不行者至如乞伏國仁初稱單于符登封為苑川王乾歸稱河南王前秦封為金城王又封隴西王進封梁王前秦滅乃稱秦王後降於後秦已而逃歸復稱秦王又降於秦為河南王熾盤亦稱河南王又復稱秦王呂光初稱酒泉公改稱三河王後乃稱梁王禿髮烏孤初稱西平王改稱武威王利鹿孤稱河西王俾壇稱涼王後去年號降于秦既而復稱涼王段業稱涼王沮渠蒙遜殺業自稱張掖公改稱河西王魏封為涼王若此之類當稱何國若謂之河南隴西乃是郡名若謂之秦涼則其所稱又國號屢改若不著名知復為誰又匹夫妄自尊大即因其位號稱之則王莽公孫述亦不當稱姓名也今欲將吳蜀十六國及五代偏據者皆依三十國春秋書為某主但去其僭偽字猶漢書稱趙王歇韓王信也至其死則書曰卒謚曰某皇帝廟號某祖某宗獨南北朝書某主而不名其崩薨之類從舊史之文不為彼此升降如此以理

鑑一

卷三

論之雖未為通然非出己意免刺人眼耳不然則依宋公明紀年通譜以五德相承晉亡之後元魏繼之黜梁齊梁陳北齊宋梁皆如諸國稱名稱卒或以宋梁比秦居木火之間及比王莽補無王之際亦可也五德固知出於漢儒由是並依天道以斷人事之不可斷者耳

道原曰晉元東渡南北分疆魏周據中國宋齊受符璽互相夷虜自謂正統則宋齊與魏周勢當兩存之然漢昭烈竄巴蜀似晉元吳大帝興於江表似後魏若謂中國有主蜀不得紹漢為偽則東晉非中國也吳介立無所承為偽則後魏無所承也南北朝書某主而不名魏何以得名吳蜀之主乎

君實曰光因道原言以吳蜀比南北朝又思得一法魏吳蜀宋齊梁陳後魏秦夏涼燕北齊後周五代諸國名號均敵本非君臣者皆用列國之法沒皆稱殂王公稱卒周秦漢晉隋唐身混一天下傳祚後世其子孫微弱播遷承祖宗之業有紹復之望欲全用天子法以統臨諸國沒則稱崩王公稱薨東晉元帝已前稱崩薨而

名列國劉備雖承漢後不能紀其世次猶宋高祖稱楚元王後李昇稱吳王恪後是非不可知不得與漢光武晉元帝為例

道原曰嘗混一海內者并其子孫用天子法未嘗相君臣者從列國法此至當之論也然以晉元比光武茲事恐未當晉失其政五胡紛擾天命不常唯歸有德若東晉德政勝則僭偽之主必復為臣僕而東晉與諸國異名號並正朔是德政不相勝也吳嘗稱臣于魏魏不能混一四海不得用天子法而東晉僻在江南非魏之比又諸國符健姚萇慕容垂等與東晉非君臣東晉乃得用天子之法乎若秦夏涼燕及五代諸國雖僭竊名號皆繼踵仆滅其興亡異於吳蜀南北朝此黜之不當疑也

君實曰道原黜秦夏涼燕及五代諸國愚慮所不到者然欲使東晉與五胡並為敵國則與光所見異晉元乃高祖曾孫琅琊嫡嗣其鎮建鄴加鎮東皆西朝詔除也懷愍既死賊庭天下推戴元帝者時宗室領藩鎮最親者強盛元帝而已晉嘗奄有四海燕制夷夏符姚慕容垂等雖身不臣晉其父祖皆晉臣而東晉之視符姚

鑑一

十四

三

猶東周之視吳楚也魏吳俱為列國豈能相臣吳稱臣于魏猶勾踐之事夫差石勒之事王浚非素定君臣之分者也然不知晉武帝隋文帝之初吳主陳主當稱吳主皓陳主叔寶蕭瑒附庸為當名否晉未平吳之前欲如魏世與吳抗敵宜如魏世用列國法晉傳於宋宋傳於齊齊傳於梁梁傳於陳當用宋齊梁陳年號以紀諸國事迹陳亡之後用隋年號隋未平陳以前稱隋主而不名蕭瑒為後周附庸與梁陳非君臣梁陳不當名蕭瑒也

君實曰漢有國邑者則曰封某主某侯無國邑者則曰賜爵關內侯魏晉王侯率皆虛名若云無國邑者則亦有就國者沈慶之以始興優近求改封南海是食國租稅也若云有國邑則有封境外郡縣者如宋有始平王魏有廣陵王也不知當書封某王侯當書賜爵某王侯

道原曰南北朝諸王雖不就國皆有國邑國官宋孝武大明中分實土郡縣為僑縣境宋志雍州有始平郡青州有太原郡荊州有河東郡皆僑郡也齊志秦州有始平郡故宋有始平王魏志豫州



有廣陵郡故魏有廣陵王恐不可云賜爵當云封某王侯也  
君實曰凡用天子法者所統諸侯皆應稱薨而晉書帝紀惟親王  
三公及二王後稱薨餘雖令僕方伯開府如羊祜杜預之徒亦止  
稱卒隋書帝紀內史令納言及封國公郡公者亦稱卒惟親王三  
公及開府儀同三司稱薨新舊唐書令僕中書令侍中平章事參  
知機務政事皆稱薨若依古禮五等稱薨則晉惠帝時令長卒伍  
皆有爵邑不可槩稱薨也西晉荀勗等為尚書令中書監令雖用  
事不謂之宰相東晉庾亮何充等始謂之宰相欲自晉以後惟王  
爵及三公宰相稱薨餘皆稱卒南北朝王公亦稱卒至隋則令僕  
內史令納言為宰相至唐則平章事為宰相三師三公皆為散官  
欲皆以為薨可乎

道原曰周秦漢魏諸侯稱薨至晉已後唯王爵及三公宰相稱薨  
或薨或卒於例未勻不如用陸淳例皆稱卒

君實曰諸臣稱卒誠為確論但恨已進者周秦漢紀不可請本追  
改其晉隋唐紀除諸王三公三師稱薨餘雖宰相亦稱卒尚書令

八鑑一

八十五

僕及門下中書權任所在謂之宰相終非正三公也  
道原曰散官若亦稱薨宰相不應稱卒

君實曰長曆景平二年正月丁巳朔二月丁亥朔後魏書紀志是  
歲不日食道原於長編何故書景平二年二月癸巳朔日有食之  
道原曰宋高祖紀永初三年正月甲辰朔景平元年正月己亥朔  
皆與劉仲更曆合舊本八月乙未朔九月當乙丑朔誤作辛丑十  
月甲午朔誤作庚午十一月甲子朔誤作庚子十二月癸巳朔不  
誤十二月癸巳則二年正月當癸亥朔二月癸巳朔三月壬戌朔  
舊本乃誤作正月丁巳二月丁亥三月丙戌至四月辛卯不誤建  
康實錄景平二年二月癸巳朔日有食之乙未義恭為冠軍丁未  
大風皆與宋書紀同惟宋書誤以二月為正月南史誤以二月朔  
為己卯

君實曰晉帝紀晉春秋紀年通譜隆安五年九月呂隆降秦十月  
姚興侵魏道原何故於元興元年書五月姚興侵魏八月呂隆降  
秦

道原曰姚興載記興遣姚平伐魏姚碩德伐呂隆碩德敗隆於姑臧姚平攻魏乾城陷之遂據柴壁魏軍攻平截汾水守之碩德攻隆爲持父計隆懼遂降姚平赴汾水死魏書天興五年五月姚興遣其弟義陽王來侵平陽攻陷乾壁八月立駕西討至乾壁平固守進軍圍之姚興悉舉其衆來救帝度豕坑逆擊興軍大破之十月平赴水死天興五年晉之元興元年五月也八月魏圍姚平於乾壁然後呂隆降于碩德則是八月也晉紀隆安五年九月呂隆降秦十月姚興侵魏者誤也晉去中國遠事得於傳聞故或前一年或後一年載記往往按諸國書而本紀憑晉時起居注故差誤特甚

君實曰晉紀義熙十二年二月姚興死子泓嗣五月司馬休之魯宗之奔姚泓道原何故於義熙十二年五月書司馬休之魯宗之奔姚興

道原曰姚興載記晉義熙十一年正月荆南刺史司馬休之雍州刺史魯宗之與劉裕相攻遣使來求援五月休之等爲裕所敗奔于

興晉書休之傳亦云奔姚興是十一年五月姚興猶未死而姚興載記後魏本紀十六國春秋北史僭僞附庸傳南史宋武帝紀姚興以義熙十二年二月死是晉紀誤以十二年二月爲十一年二月故休之等奔秦亦誤云奔姚泓也

君實曰武陵王紀本傳大寶二年四月紀僭位于蜀年號天正與蕭棟暗合識者尤之曰於文天爲二人正爲一止言各一年而止也道原何故於承聖元年書武陵王紀即位于蜀

道原曰南史簡文紀大寶二年八月侯景即位明年四月武陵王紀僭號於蜀按蕭棟以大寶二年八月即位改元天正若紀以大寶二年四月改元事乃在先非是暗合又紀本傳紀次西陵時陸納未平蜀軍復逼元帝憂之陸納以承聖元年十月反則大寶二年不應言陸納未平也故從帝紀承聖元年武陵王紀僭號爲是君實曰然君實又曰晉都督領刺史有止督本州者刺史專統本州何謂更改督字南史略去所督州名但云加都督都督豈虛名乎

道原曰齊百官志晉太康中刺史治民都督知軍事至惠帝乃并任非要州則單爲刺史是刺史不加督字者不得總其統內軍事也檀道濟都督江州之江夏豫州之西陽新蔡晉熙四郡諸軍事江州刺史晉宋志江州領郡九豫州領郡十而道濟止得都督四郡南北朝時軍任甚重都督豈虛名哉南史但云江州刺史務欲省文不知害義也

君實曰後魏禮志太和十五年詔尊列祖爲太祖顯祖爲二祧帝紀太宗永興二年謚道武爲宣武皇帝廟號太祖不言號列祖又太武功業最盛廟號世祖何爲不預二祧

道原曰道武追尊神元廟號始祖平文廟號太祖昭成廟號高祖皆爲不遷之廟則太宗上皇武帝號不應又號道武廟爲太祖史官但舉後來廟號耳孝文去文太祖之號亦必去昭成高祖之廟號故孝文廟號高祖魏收序紀惟稱始祖神元皇帝而平文昭成皆不冠廟號也禮志詔書云列祖有創業之功世祖有開拓之德其以道武爲太祖比后稷世祖列祖爲二祧此文武是顯祖字上

脫世祖二字也

鑑一

十七

李

君實曰梁高祖紀中興元年十二月宣德皇后授高祖大司馬依晉武陵王承制故事二年正月又加高祖大司馬解承制何也道原曰舊本高祖紀中興二年正月大司馬解承制齊和帝紀亦云大司馬梁王解承制後人誤於大司馬上加於高祖二字也君實曰魏紀太和平九年均田詔云還受以生死爲斷志云十五以上受田又云及課則受田老免則還田又云有舉戶老小瘠者年踰七十不還是不以生死爲斷也又云所授之田率倍之是受四十畝者更受八十畝閑田與桑田不在還受之限是民於田中種桑者即得爲永業歟又云非桑之士夫給一畝或給二十畝或十六畝何其不均也又曰應還之田不種桑棗是露田又不種歟又云嘗從見口有盈者無受無還何哉又云一人之田正從正倍從倍不得隔越他畔是二者必須相鄰地形安得如此并田發久矣天下皆民田也魏計人口及奴婢皆以田給之其亦有說乎道原曰後魏食貨志云諸遠流配謫無子孫及戶絕者墟宅桑榆

盡爲公田以給授觀均田制度 似令世佃官田及絕戶田出租  
稅非如三代井田也劉石符姚空亂之後土田無主悉爲公田除  
兼并大族外貧民往往無田可耕故孝文分官田以給之然有分  
限丁口計畝給田老死還納別授壯者非若今世作全戶稅佃不  
計其歲月但不得典賣耳詔書言其略故云還受以生死爲斷本  
志言其詳故有還不還之別也不栽樹者謂之露田男夫受露田  
四十畝婦人二十畝謂男夫之有婦者共受六十畝也丁牛一頭  
受田三十畝謂戶內更有一丁未娶者及有牛一頭又受三十畝  
也限四牛所受之田率倍之者謂每一丁一牛則倍三十畝丁牛  
雖多給田止於一百二十畝故曰限四牛也初受田者男夫一人  
給田二十畝前後種桑五十樹棗五株榆二根非桑之士夫給一  
畝依法課蒔榆棗謂初受田者雖娶婦同一戶不復給田非桑之  
士惟種棗榆共八株故止給一畝下文云麻布之士男夫及課別  
給麻田十畝婦人五畝并棗榆地亦十六畝也桑田用力最多欲  
勸人種桑故賜爲永業田露田有還受故不得種桑麻也恒從

見口有盈者無還無受不盈者受種如法謂種桑不還田計見在  
男夫及丁口其合給田畝外桑田有餘亦許爲主但不受亦不還  
耳若受少桑田者復受於官種桑果故盈者得賣其盈不足者得  
買所不足也一人之分正從正倍從倍不得隔越它畔猶下文云  
進丁受田恒從所近謂取逐戶傍近不必地相令也唐制丁男給  
一頃十分之二爲世業八爲口分世業則身死承戶者受之口分  
則沒官更給人後諱世字故云永業魏齊周隋享國日淺兵革不  
息農民常少而曠土常多故均田之制存至唐承平日久丁口滋  
衆官無閑田不復給受故田制爲空文新唐書食貨志言口分世  
業之田壞而爲兼并其意似指以爲井田之比失之遠矣君實曰  
然

君實訪問道原疑事每卷不下數條論議甚多不能盡載載其質  
正舊史差謬者然道原在書局止類事跡勒成長編其是非予奪  
之際一出君實筆削而義仲不及見君實不備知凡例其是非予  
奪所以然之故范純夫亦嘗預修通鑑乃書所疑問焉其書曰

漢之薛包茅容等舊史止附別傳通鑑具載事跡不可不謂廣記而淮南王太史公皆稱屈原離騷與日月爭光通鑑乃削去屈原投汨羅撰離騷等事歷代儒林文苑隱逸傳直十削去七八春秋褒秋毫之善言通鑑掩日月之光此義仲所疑一事也

二京三都等賦解嘲賓戲等文通鑑皆不書而孟子與梁惠王荀卿與臨武君難疑答問通鑑不漏略一句荀孟事跡則隱沒不書太史公之於管晏猶次其傳而不論其書司馬公之於孟荀乃論其書而不次其傳此義仲所疑二事也

通鑑吳蜀曰主曰殂南北朝曰主曰帝曰殂司馬公言地醜德齊不能相一用列國之法庶幾不誣事實近於至公然世宗封李昇為唐國主仁宗封元昊為夏國主主與帝非列國也司馬公論正統與歐陽公略同而歐陽公天下有統以有統書之天下無統以無統書之通鑑若言有統則不當書南北朝為帝若言無統則不當書南北朝為主此義仲所疑三事也

宋高祖射蛇於新州明日見青衣童子杵藥曰我王為劉寄奴所

鑑一

十九

傷然寄奴王者不可殺高祖叱之皆散通鑑凡此類符讖事皆不書而秦二世元年書漢高祖射蛇事高祖斬蛇非符讖乎通鑑何以書此義仲所疑四事也

陸雲本無玄學夜行迷路見一少年與談老子後尋宿處乃王弼冢自此談玄殊進通鑑凡此類神恠事皆不書而梁中大通二年書寇祖仁藏金事祖仁藏金非神恠乎通鑑何以書此義仲所疑五事也

北齊神武出征遇天寒雪使人舉氈陳元康於氈下作軍書颯颯運筆俄頃數紙神武目之曰此何如孔子通鑑凡此類過褒事皆不書而漢延光元年書荀淑比叔度為顏回不知叔度於顏回何異元康於孔子此義仲所疑六事也

孫彥高在定州默啜圍州城彥高倒鑠宅門告其奴曰善守宅門勿與鑠鑰凡此類過貶事皆不書而晉隆安三年書王凝之借鬼兵於大道不知疑之借鬼兵何異彥高守鑠鑰此義仲所疑七事也

通曆及大業記稱煬帝弑文帝通鑑書曰上崩中外頗有異論唐曆及新唐書稱武后殺太子弘通鑑書曰太子弘薨時人以爲武后殺之通鑑疑以疑而宋元徽四年書馮太后鳩顯祖事唯天象志云獻文暴崩實遇鳩毒元行冲國典云馮太后伏壯士太上入謁遂崩司馬公安知鳩顯祖安得不彰然則司馬公安知鳩顯祖者是馮太后與否也此義仲所疑八事也

純夫曰足下可謂善問祖禹安敢不荅然其間所問節目曩日嘗陪論議因足下之問可以解諸儒之疑此通鑑起予之助也云云義仲得純夫書悔難通鑑之爲書君實寓局秘閣道原實預討論君實與道原皆以史自負同心協力共成此書曰光之得道原猶瞽師之得相者也范純夫劉貢甫司馬公休亦推道原功力最多君實嘗有言光修通鑑唯王勝之借一讀它人讀未盡一編已欠伸思睡矣揚子雲云後世復有子雲玄必不廢矣方今春秋尚廢况此書乎聊用自娛餘生而已嗚呼君實所以用意遠矣非爲寡聞淺見道也然君實始成通鑑以道原遺言求通鑑定一本乃錄

通鑑一


八十一

本以附其家而告義仲曰先君子臨終時遺言恨不見書成而此書之成先君子力居多它日須有從足下求之者若欲傳錄但傳予之非獨區區之懇亦先君子之志也然則君實期義仲亦厚矣義仲既痛恨先人不及見奏成書又懼後世有以小言破言以小道害道不幸而似義仲者故纂集其往復問難使後世有考焉


通鑑問疑終

增節標目音註精議資治通鑑卷第一

# 帝王傳授之圖



# 夏商世系之圖



人鑑二

二

何

# 周秦世系之圖

文王 武王 成王 康王 昭王 穆王 共王 懿王 孝王

夷王 厲王 宣王 幽王 平王 太子 桓王 莊王 釐王


惠王 襄王 頃王 匡王 簡王 靈王 景王 敬王 元王

貞定王 考王 威烈王 列王 慎靚王 赧王

伯益 不知 寧公 武公 宣公 康公 十四世  
 世次 德公 成公 穆公

孝公 惠文王 武王 昭襄王 孝文王 莊襄王 始皇 扶蘇 子嬰


# 帝王國都之圖



伏羲都陳神	農都魯黃帝	都涿鹿少昊	都曲阜顓頊	都衛帝嚳都	亳堯都平陽	舜都蒲坂夏禹	都安邑商湯都	亳仲丁遷蹕	河亶甲居相	祖乙遷耿	太王居邠文	王都豐武王	都鎬平王都	洛
-------	-------	-------	-------	-------	-------	--------	--------	-------	-------	------	-------	-------	-------	---



# 西漢國之都之圖



沛高帝所居  
漢中高祖  
初王之所  
洛陽漢初欲  
都之後遷長  
安 斬陳勝  
吳廣起兵處  
彭城項羽  
所都 滎陽  
京索成臯鴻  
溝皆劉項戰  
爭之所 賈  
捐之請罷朱  
崖即今廣南  
海中瓊崖也

# 西漢世系之圖



二


三

川何

# 東漢世系之圖




# 東漢國都之圖




南陽光武所居  
 昆陽光武戰  
 勝處 宛聖公  
 即位處 洛陽  
 光武所都處  
 蓟光武北徇處  
 邯鄲王郎僭位  
 處 鄆光武初即  
 位處 琅邪張  
 步所據處 天  
 水隗囂所據處  
 成都公孫述  
 所據處 涼州  
 竇融所統歸光  
 武處 五谿交趾  
 馬援征蠻處

# 三國世系之圖




魏五主四十五年  
 蜀二主四十三年  
 吳四主五十九年

# 三國地理之圖




魏國魏帝所居  
 官渡魏太祖  
 敗袁紹處 鄴  
 魏太祖建國處  
 洛陽文帝所  
 都 涿郡蜀先  
 主所居 先主  
 依劉表于荊州  
 得孔明於南陽  
 立為漢中王  
 吳郡吳孫權  
 所居 周瑜破  
 曹操于赤壁  
 吳都 金陵即  
 今建康也

# 兩晉世系之圖




# 兩晉國都之圖




河內晉帝所居  
洛陽晉所都長  
安愍帝所都元  
帝都金陵 王敦  
桓温據武昌江陵  
蘇峻反于廬陽  
石頭江州皆鎮  
守要害處 苻堅  
敗于淝水 前趙  
劉淵據平陽 後  
趙石勒據襄國  
後趙劉曜前秦苻  
氏後秦姚氏皆據  
長安 涼呂氏沮  
渠氏禿髮氏據河  
西 南燕慕容氏  
據廣固 北燕慕  
容氏及馮氏據和  
龍 後秦乞伏據  
隴西夏赫連據朔方

南朝世系之圖



北朝世系之圖



鑑二


七

川柯

# 南北朝

# 國都圖

宋齊梁陳皆都建康 元帝都江陵在江南路 魏初都代在河東後移洛陽 東魏與齊都鄴在河北 西魏與周都長安




宋文帝北侵至滑臺在京西 魏太武來伐至瓜步在淮南 南北相攻在彭城鍾離盱台壽陽今淮北京東東西管界也

# 隋世系圖



# 隋國都圖



華陰隋帝所居 江都煬帝巡幸不返處 長安隋所都 雁門煬帝為突厥所圍處 汴河隋所開取河水達淮以備遊幸 煬帝渡遼水伐高麗皆在京東河北界外

鑑二

九

何

# 世唐有




鑑二

十


川何

# 系之圖






# 有唐國之都之圖



隴西唐高祖所居  
 晉陽高祖起兵  
 處 長安唐所都  
 洛陽號東都唐  
 初王世充所據後  
 為東京倫巡幸唐  
 末朱全忠遷都于  
 此 江陵肅統所  
 據處 范陽安祿  
 山反處 靈武肅  
 宗即位處 涇原  
 軍士至京師作亂  
 立朱泚 睢陽張  
 巡許遠所守處  
 奉天德宗避寇處  
 興元德宗僖宗避  
 寇出狩處 成都  
 明皇僖宗避寇處

# 唐藩鎮及五十道圖




魏博田承嗣至田  
 悅反弗克誅 盧  
 龍李懷仙至朱滔  
 朱克融反弗克誅  
 鎮冀李宝臣至  
 王武俊王廷湊反  
 弗克誅 淄青李  
 正已至師道反伏  
 誅 橫海程日華  
 至李同捷反伏誅  
 宣武劉玄佐至李  
 萬榮死朝廷別命  
 代 彰義具少誠至  
 元濟反伏誅 東  
 川劉闢反伏誅  
 浙西李錡反伏誅

二


二

# 五代國之都之圖



梁初都汴遷洛復都汴 唐自汴都洛 晉漢皆自洛之汴 周都汴 東漢劉氏漢宗屬 據河東 吳揚氏 初據淮南後為南 唐李氏所篡併有 淮南江南之地 吳越錢氏據兩浙 閩王氏據福建 蜀前蜀王氏後 蜀孟氏及有四川 之地 南平高氏 在荆湖北路 楚 馬氏在荆湖南路 南漢劉氏盡有 二廣之地

# 五代世系之圖



鑑二

十一

川何

# 通鑑帝王

伏犧 神農 黃帝 少昊 顓頊 高辛 帝堯 帝舜

夏商周

燕 召公之後凡四  
十五世秦滅之  
鄭 桓公之後凡  
二世秦滅之  
晉 叔虞之後凡三  
五世韓魏滅之  
周 姬姓自文王至  
赧王三十一世  
東西周為秦滅  
宋 微子之後三十二  
世齊魏楚滅之  
魯 周公之後凡三  
十四世楚滅之  
衛 康叔之後凡二  
十九世秦滅之

魏 畢萬之後三  
十二世秦滅  
趙 叔帶之後凡二  
十五世秦滅之  
齊 田和之後凡  
八世秦滅之  
楚 熊繆之後三  
十九世秦滅之

秦 嬴姓自昭襄王至子  
嬰五十年項籍滅之  
燕 自韓厲至臧荼  
凡二主漢滅之  
韓 自韓成至鄭昌  
凡二主漢滅之  
趙 自趙武臣至歇  
二主漢滅之  
魏 自魏咎至豹凡  
三主漢滅之  
齊 自田儋至廣凡  
六主漢滅之  
楚 自陳勝至英布  
凡六主漢滅之

# 授受圖上

西漢 劉姓凡  
十二帝  
百一十  
有四年

新室

王莽  
僭位  
一十  
六年  
漢兵  
殺之

燕 彭寵據漁陽  
為奴所殺  
漢梁 劉永據睢陽凡  
二主漢滅之  
漢 盧芳據安  
定漢滅之  
更始 劉玄為赤  
眉所殺  
朔寧 隗囂據金城凡  
二主漢滅之  
齊 張步據臨  
淄漢滅之  
淮南 李憲據廬  
江漢滅之  
成 公孫述據成  
都漢滅之

東漢

劉姓凡  
十二帝  
共一百  
九十五年  
于魏

蜀 劉備凡  
二主四  
十三年  
魏滅之  
魏 曹姓凡  
五主四  
十五年  
禪于晉  
吳 孫權凡  
四主五  
十九年  
晉滅之


西晉

鑑二

十三

# 通鑑帝王

# 授受圖中



六鑑二

六十四

# 通鑑帝王

**魏** 李密稱魏公  
二年唐滅之

**鄭** 王世充三  
年唐滅之

**夏** 竇建德高開道  
羅藝唐滅之

**梁** 蕭銑五年  
唐滅之

**涼** 李軌三年  
唐滅之

**漢** 劉黑闥三  
年唐滅之

**秦** 薛舉郭子  
和唐滅之

**梁** 梁師都十二  
年唐滅之

**定揚** 劉武周四  
年唐滅之

**唐** 李姓凡二十  
帝一女主共  
二百八十九  
年禪位于梁

**吳** 李子通杜伏威沈法  
興輔公祐相繼而滅

**楚** 朱粲林士弘張  
善安唐滅之

鑑二

十五

# 授受圖下

**吳越** 錢鏐凡五主至宋  
舉族歸于京師

**南平** 高季興凡五  
主至宋國除

**蜀** 王建凡二主  
後唐滅之

**秦** 李茂貞凡二主至後唐進  
爵秦王後入朝從宣武

**後梁** 朱溫凡  
二主後唐滅之

**後晉** 石敬瑭  
二主契丹滅之

**後漢** 劉知遠  
二主後周滅之

**後周** 郭威凡  
三主禪位于宋

**楚** 馬殷六主為後唐所滅自劉  
言立至周保權舉族歸于宋

**吳** 楊行密凡四主  
為唐李昇所篡

**南唐** 李昇三主  
至宋國除

**南** 王延政為南  
唐李昇所破

**閩** 王審知六主為南唐所滅自朱  
文進立至張漢思請命于宋

**南漢** 劉隱凡四主  
至宋國滅

歷代帝王多出於黃帝 夏禹出於顓頊 商出於契 周  
出於棄皆帝嚳之子也 秦之祖伯益亦顓頊之子 漢以  
劉氏承堯運堯黃帝玄孫 魏曹氏曹叔振鐸之後出自周  
晉司馬氏出於重黎亦顓頊之後 宋劉氏漢楚元王交  
之後亦堯之裔也 齊梁蕭氏出於春秋蕭蕭子姓也商之  
後 陳舜之後 隋楊氏出自顓頊 唐李氏出自顓頊之  
子皐陶皐陶為大理後嗣逃難食木子得生故改氏李 梁  
朱氏本春秋邾邾曹姓顓頊後 周郭氏出周郭叔皆帝嚳  
之後  
宋朝趙氏出於顓頊顓頊子伯益其後裔為造父周穆王時  
封於趙城子孫因以為姓晉趙衰趙盾皆其子孫秦始皇時  
趙之子孫分處四方至漢有趙廣漢者居于涿州瓜瓞綿綿  
實基於此

增節標目音註精議資治通鑑卷第二





